



滄溟先生集

卷八卷九卷十七言律詩
卷十一七言律詩五言排律

和
1263
3



和
1263
3



滄溟先生集卷之八

濟南李攀龍于鱗撰

七言律詩

送王侍御

看君繡斧秣陵廻烏府遙應接鳳臺寒雨鍾山千水
下白雲秋色大江來時危攬轡中原出口近封章北
極開當道狐狸何足問邊城今有郅都才

同元美與子相公實分賦懷太山得鐘字東

順甫

域內名山有岱宗側身東望一相從河流曉挂天門

樹海色秋高日觀峯金篋何人探漢策白雲千載護
秦封向來信宿藤蘿外杖底西風萬壑鐘

同子與登湖上臺

大漠蒼蒼鴻鴈迴中原極目思悠哉白雲雙闕湖邊
出落日西山樹杪來詞客百年相對酒秋陰萬里共
登臺側身戎馬過逢地城柝朝聞角暮哀

十五夜子與明卿見過

日落青梧白露生倦遊詞客鳳凰城千門過鴈來秋
色萬里銜杯對月明上苑寒高金狄掌西山影靜羽
林兵解顏今夕無烽火二妙何當罷請纓

同徐吳二子宏法寺臺眺望

搖落偏驚祇樹林白雲鴻鴈亦蕭森何知潘鬢淹郎
署但許燕山壯客心欲雨諸陵來朔氣西風千里動
秋陰悲哉聯璧登高賦徒倚荒臺見古今

送大司寇應公歸台州

搖落黃金駿馬臺都門供帳亦賢哉炎荒想見乘輶
出北斗旋聽曳履回秋色白雲生海嶠主恩華髮
卧天台西曹官屬銜知遇東閣清時好再開

送殷正甫

并引

正甫檢討有河洛之役蓋濟南諸君子出

錢焉是行也問誰治祖則廷尉史張嵐氏
問誰相禮則大司農官屬洪遇伯時問誰
贊事則許殿卿邦才將試於大宗伯至也
正甫則稱使臣哉齊魯於文學其天性卽
今日里黨可謂多賢司馬長卿自漢庭遊
梁鄒陽枚叔間相得驩甚也乃比部李生
以贈言
中州一望氣雄哉北極風塵使節開卜洛自存宗子
計遊梁更見長卿才春晴嵩少雲邊出雪盡黃河天
上來在昔孝王誇授簡何當置酒向平臺

徐子與席懷梁公實

共指金莖雪色間鳴珂當日滿朝班卽看徐孺能懸
榻豈謂梁鴻更出關薄宦天涯成白首故人江上買
青山嶺南梅樹今堪折贈我寧無驛使還

懷子相

薊門秋杪送仙槎此日開樽感歲華卧病山中生桂
樹懷人江上落梅花春來鴻鴈書千里夜色樓臺雪
萬家南粵東吳還獨往應憐薄宦滯天涯

朝退同子與望西霽雪懷南海梁公實廣陵
宗子相

騎省秋來歎二毛還將白雪向君操千峯曙色開金
掌並馬寒光照錦袍空翠欲浮仙闕動晴雲猶傍帝
城高初疑大庾梅花發忽憶揚州八月濤

歲晚贈子與

南國鴻書杳不聞相看梅發尚離羣天涯薄宦堪知
我世上虛名好誤君杪歲西山逢雨雪懷人漢苑見
春雲往時載酒揚雄宅諸子談經坐夜分

人日與伯承集子與宅得胡字

新知握手鳳城隅莫嘆春來滯宦途萬里風煙八日
過十年江海客星孤漢宮戴勝傳王母薊北登高愧

大夫曾是舊游行樂處解貂同醉酒家胡

張駕部宅梅花

仙郎雪後建章廻清夜西堂擁上才笛裏春愁燕塞
滿梁間月色漢宮來卽看芳樹催顏鬢莫厭寒花對
酒杯共憶故人江北望因君罷賦倚徘徊

宣武門眺望

白雲千里接胡天雙闕遙臨碣石懸漢苑春生多雨
雪薊門晴色滿寒烟五陵佳氣蓬萊外大漠青山睥
睨前夙昔黃金收駿馬高臺空在有誰憐

送范大澈

十載風塵道路難天涯金盡俗相看自憐華髮馮唐
老誰問綈袍范叔寒病起清樽開雨雪歸來春草徧
長安故人海上悲搖落擬共秋濤把釣竿

葛丈山房

少宰山房北海隈千林窈窕白雲開倚窗河勢鉤盤
出拂檻秋陰碣石來魯國諸生紛受易漢庭多士滿
題才臨流重憶乘槎客濯足還登萬里臺

寄子與

薊門春散紫宸班千里檐帷動客顏秋到白雲生漢
署雨來寒色滿燕山仙郎書札遙相憶傲吏風塵且
未還天上卽今看舊好誰憐曼倩謫人間

寄吳舍人兼呈徐子與

薊門春酒別同袍念我風塵解佩刀楚客久無鸚鵡
賦舍人殊有鳳凰毛書來月色漳河滿北望秋陰漢
闕高行矣舊遊還自愛偉長今在白雲曹

寄正叔

十年裘馬向飄零一郡風塵出漢庭塞北嵐煙春浩
浩薊門山色樹冥冥懷人西署秋雲白對酒疎燈夜
雨青莫道揚雄長寂寞桓譚已見太元經

趙州贈許使君

山雨蕭蕭曙色過，異鄉攜手問蹉跎。豈緣知己朝廷少，自是詞臣岳牧多。宋子城高臨大陸，漢王臺迥出滄沱。風塵行役君須見，能得花前不醉歌。

送譙比部還順慶

歸去嘉陵江上春，襜帷不復厭風塵。巴山漸出雲連楚，劍閣迴看雪照秦。歲晚江湖多病疏，時危裘馬倦游人。明光起草君無薄，漢主恩深侍從臣。

送申職方還魏縣

山中春色耐漂零，澤畔行吟見獨醒。縱使馮唐淹省署，還如汲黯在朝廷。漳河雨雪襜帷黑，大漠風塵燧火青。憶爾時危曾抗疏，至今諸將說龍庭。

同張滑縣登清風樓

層樓落日倚蹉跎，明府高軒載酒過。檻外秋陰開大陸，簾前樹色散漳河。關門紫氣臨燕滿，風雨青山入晉多。我醉欲裁王粲賦，故園戎馬近如何。

郡閣懷王徐二比部

曉漏鳴珂謁建章，春風載酒出長楊。詞華並數西臺妙，握草同稱大國香。玉樹月明堪自倚，金莖秋色坐相望。故人爲郡逢搖落日，夕看雲憶帝鄉。

郡齋與舍人賦

漢臣春散建章宮此地相逢歎轉蓬落日開樽漳水
上清秋擁節太行東微官愧我潘生拙作賦多君楚
調工朋好卽今三署滿故人猶滯右扶風

送顧天臣還姑蘇

落魄看君旅食年風塵裘馬竟誰憐歸吳擬著潛夫
論入洛還攜贈婦篇少室夏雲憑檻外太湖秋色挂
帆前故人爲客遙相念垂老浮名薊北天

郡城樓送明卿

二首

西來山色滿城頭東望漳河入檻流傲吏歲時頻卧
閣故人風雨一登樓亂離王粲逢多病著作虞卿老

自愁君到長安相問訊誰憐五月有披裘

其二

徙倚高樓問索居故人湖海意何如樽中十日平原
酒袖裏三年薊北書大麓夏雲當檻出石門寒雨過
城疎明朝遠道空相憶那得仍停使者車

於郡樓送茂秦之京

把酒高樓眺暮春孤城落照濁漳濱自憐白髮常爲
客誰道青山不負人西署詩名千氣象中原宦跡任
風塵元龍未下當時傲湖海看君意轉親

登黃榆馬陵諸山是太行絕頂處

四首

太行山色倚巒岼絕頂清秋萬里看地拆黃河趨碣石天迴紫塞抱長安悲風大壑飛流折白日千崖落木寒向夕振衣來朔雨關門蕭瑟罷憑欄

其二

西嶺秋高大陸前馬陵寒影踏遙天羣峯不斷浮雲色絕嶂長留落日懸地險關門銜急峽山奇削壁挂飛泉何人更遇青泥飯有客空歌白石篇

其三

西來山色照那襄北走并州擁大荒巨麓秋陰沙渺渺石門寒氣雨蒼蒼天邊睥睨懸句注樹杪飛流挂濁漳搖落故人堪極目朔風千里白雲翔

其四

千峯郡閣望嵯峨此日塞帷按塞過落木悲風鴻鴈下白雲秋色太行多山連大陸蟠三晉水劃中原散九河回首薊門高殺氣羽林諸將在橫戈

答元美病中見寄并示吳舍人

短髮青春照濁醪因君忽憶廣陵濤露華遙對金莖渴秋色驚看玉樹高伏枕風塵雙白眼緘書湖海一綈袍何人更爲憐同病楚客參差長鳳毛

早春寄元美

薊門霜雪意何如回首風塵見索居病後五陵春草
色愁中三輔使君書時名轉益潘生拙世事能令阮
籍疎最好拂衣江海上故園戎馬重躊躇

登邢臺

郡齋西北有邢臺落日登臨醉眼開春樹萬家漳水
上白雲千載太行來孤城自老風塵色傲吏終慙岳
牧才便覺舊遊非浪迹至今鴻鴈薊門回

趙州道中憶殿卿

憶爾檐帷出牧年風塵誰識使君賢政成神雀猶堪
下興盡冥鴻遂杳然樹色遠浮疎雨外人家忽斷夕

陽前重來此地逢寒食何處看春不可憐

真定邸中重憶殿卿

客舍題詩日已曛當時此地重離羣青樽夜倒滹沱
月紫馬秋嘶大陸雲春色那堪愁裏望緘書何意病
中間依然趨府諸年少不見風流許使君

郡城西樓

使君杯酒郡城樓倚檻高臨落日愁河朔浮雲連巨
麓太行春雪照邢州自憐叔夜常多傲無那相如故
倦遊畫省少年人所羨風塵豈亦念淹留

郡齋

金虎署中誰大名我今出守邢州城折腰差自強人意白眼那堪無宦情世路悠悠幾知己風塵落落一狂生春來病起少吏事擬草元經還未成

春興

東南殺氣日相纏重憶先朝海晏年使者自歸沈璧馬將軍誰起護樓船旌旗愁動昆明色大鉞高懸薊北天坐使越裳來白雉更追驕虜過燕然

寄劉子成

書札清秋問解攜郡齋吟眺楚雲低大夫持憲臨諸粵使者徵兵出五溪白日自流荒徼外青山不盡夜

郎西于今萬里看銅柱何意中原厭鼓鼙

懷元美

白雲何處一開尊山色看君滿薊門落日蕭條廻朔氣清秋偃蹇向中原舊知太守齊狂士不佞扶風漢大藩病渴自銜金掌露將因著賦乞文園

懷明卿

清秋羽檄薊門城楚客登臨短髮生已厭風塵多病色何妨侍從有詩名憐才欲薦雲中守抗疏先論海上兵此日主恩深顧問還如方朔在西京

懷子相

薊門秋氣動鳴珂蕭瑟東南海賊過亂後人才掄欲
盡畱中啓事草如何裁詩漢署青天色伏枕燕山落
日多豈亦念余經術淺明年投劾罷京河

懷子與

登高作賦大夫哉搖落江南重可哀染翰白雲天日
出振衣秋色太湖來吳中父老紛相難海上樓船戰
不回再入承明君莫厭薊門猶有故人杯

懷順甫

西曹羣少舊相求載酒燕山幾壯遊綵筆憑陵廻落
日白雲蕭瑟坐高秋風塵混合中原色江漢長懸萬

里流自是歲星人不識于今蹭蹬守邢州

懷公實

明光起草自高名復羨梁鴻出漢京白日顧瞻雙鳳
闕青春卧病五羊城人間已見新詩滿海上還聞大
藥成應笑舊時同舍客風塵請郡愧平生

送張肖甫出計閩廣

二首

聞道天書出漢宮君才博望遠相同少年章奏郎官
裏大海樓船使者中度嶺春陰生白瘴及閩秋色暗
青楓懸知諸將平胡日 聖主先論轉餉功

其二

司農飛輓七閩開芻粟如山百粵來落日中原看倚
劍清秋大海傍登臺三城羽檄單于過十道軍儲使
者廻郎署卽今多顧問誰憐魏尚有邊才

眞定道中遇伯承戶曹

滹沱冰合大風鳴馬上寒雲護北征我自朝天稱四
嶽君還謁帝入承明黃金結客樽前盡白髮先春雪
裏生握手不須悲物役梅花搖落故園情

眞定大悲閣

高閣峻嶒倚素秋西山寒影掛城頭坐來大陸當窗
盡不斷滹沱入櫺窗下界蒼茫元氣合諸天縹緲白

雲愁使君趨省無多暇暫爾登臨作壯遊

初至京與元美明卿子與分韻二首

邢州計吏入長安春色西山雪裏看天地容吾常落
魄風塵對爾一加餐重來省署青雲隔不散關門紫
氣寒握手依然無長客可知千載和歌難

其二

北風吹折九河冰五馬如龍度李膺把袂中原來氣
色開樽碣石倚憑陵明堂大集周方岳列郡深慙漢
股肱詞賦祗今吾黨在將因顧眄一先登

除夕元美宅

蓬萊佳氣舊霏微把酒千門朔雪飛
繾綣綈袍回夜色縱橫綵筆動春暉
何來天地愁相向自信風塵意不違
漢主明朝還受計君看五馬賜金歸

送陳比部使閩中

西曹詞賦有陳琳南去其如草檄心
百粵大雲搖海色九峯寒雨壯秋陰
將軍盪寇功名薄使者銜恩日月深
華髮總淹三輔吏風塵何處不蕭森

留別元美輩四子

華髮西來謁帝遊風塵莫問使人愁
但看詞賦青雲色不盡江河白日流
杯酒千山迴大漠春花五馬入邢州
黃金愧我無經術歸去冥鴻未可求

送明卿謫江西

海上風塵未罷兵如何嚴助厭承明
故人慘淡浮雲色逐客蕭條白雪情
落日掛帆彭蠡澤清秋伏枕豫章城
詩篇已側當時目不必兼傳抗疏名

將歸郡屬元美出使畿內作此爲別
西方千騎至朝宗使者銜首恩下九重
握手白雲生鉅鹿離心落日滿盧龍
青春上苑還堪醉我輩中原未可逢
雄劔有神君自愛莫令風雨暗芙蓉
賦得河字

孤城高枕日蹉跎使者乘槎自九河亂後故人京洛
少秋來山色郡齋多詩名更向風塵起傲吏還能意
氣過我亦平生難盡興開樽無奈子猷何
西六干與元美登郡樓二首其一得秋字
開軒萬里坐高秋把酒漳河正北流自愛青山供使
者誰堪華髮滯邢州浮雲不盡蕭條色落日遙臨睥
睨愁上國風塵還倚劍中原我輩更登樓

其二得雲字

搖落高樓此對君天涯不復有離羣銜杯大麓來秋
色倚檻那臺過白雲樹杪人家漳水出城頭風雨太
行分極知今日同王粲賦就還應鄴下聞

與盧次樞登大伾山

河朔風塵萬里看空亭天外一憑欄夕陽忽送孤城
色高雪遙臨白馬寒何處浮雲吞大澤于時紫氣滿
長安我來欲著浮邱賦此地因君老鶻冠

於黎陽送次樞之金陵謁故陸令

蕭條杯酒對銷魂河朔諸生爾獨存書上梁王還寢
獄賦成揚子不過門大江雨雪千帆出建業風流六
代論雄劔自憐爲客意左驂寧負主人恩

懷慶道中雪

飛雪長驅使者車太行愁色滿天涯
虛傳梁苑平臺賦真作河陽一縣花
流影風前迎劍氣寒光樹杪澹
人家問津明日知何處千里西來有漢槎

崆峒二首

風塵問道欲如何二月崆峒覽勝過
返照自懸疏隴樹浮雲忽斷出涇河
長城雪色當峯盡大漠春陰入
塞多已負清尊等窈窕還將孤劍倚嵯峨

其二

誰道崆峒不壯遊香鑪春雪照涼州
浮雲半插孤峯色落日長窺大壑愁
萬乘東還靈氣歇諸天西盡濁

涇流蕭關祇在藤蘿外客子風塵自白頭

平涼

春色蕭條白日斜平涼西北見天涯
唯餘青草王孫路不屬朱門帝子家
宛馬如雲開漢苑秦兵二月走
胡沙欲投萬里封侯筆愧我談經鬢有華

寄元美四首

風塵萬里一蕭然病起相思到各天
忽見南山青草色還成北海白雲篇
登樓何處逢多暇開府于今實
少年不是漢庭容汲黯如君意氣好誰憐

其二

聞君雨雪到青州春盡鴻書未可求莫問彈冠千載
事徒令把袂故人愁浮雲萬里中原色落日孤城大
海流自昔風塵驅傲吏還能伏枕向清秋

其三

紫塞春風散羽書使君高枕見離居人間不識胡名
馬門下猶傳海大魚開府少陽還氣色登臺東嶽復
何如遙知醉後吳歌發落日蕭條薄望諸

其四

不盡青山帶落暉美人何處送將歸城邊澗水寒如
酒馬首浮雲曳作衣春到他鄉還健食時危薄宦豈

雄飛自從二子中原別回首風塵萬事違

上郡二首

高城窈窕四山開西北浮雲睥睨迴鼓角疑從天上
落輶車真自日邊來防胡尚借秦人策射石猶傳漢
吏才聞道朝廷思猛士羽書飛過赫連臺

其二

叱馭何來絕塞遊獨看山色向新秋人家漸出層崖
樹客路高盤斷壑流朔氣忽隨風雨至孤城長傍夕
陽愁五原子弟輕烽火馬上談經半白頭

元美望海見寄

白雲東望十洲開苦憶元虛作賦才大壑秋陰生蜃
氣扶桑日色照樓臺波濤漢使乘槎過風雨秦王策
石來縱有三山何可到不如相見且銜杯

酬順甫見寄

仙郎春思滿漳河天上雙魚寄楚歌自隔青雲知己
盡誰言白雪和人多山城薄曙輶車發幕府先秋羽
檄過磬折路傍君不見漆園爲吏傲如何

人日答汝思

濁酒初開柏葉新醉來高枕任風塵十年閉塞愁中
客此日江湖病裏人青鏡欲催潘鬢改綠衫空染漢

宮春卽今萬事抽簪外唯有浮雲傍角巾

再寄元美

黃金臺館鬱蒼蒼遊子高秋總斷腸萬里浮雲生渤
海千山朔氣壓漁陽風塵不老江湖色宮闕新懸日
月光安得與君燕市裏和歌長在酒人傍

其二

中丞遼海罷登壇公子紅顏復掛冠自有綈袍憐范
叔誰從長袂見馮驩上書北闕風雲壯灑淚西山
雨雪寒憔悴儘堪知國士相逢應作少年看

寄汝思

高秋諸將欲橫行
薊北先開細柳營
萬里旌旗連殺氣
千山鼓角動邊聲
指揮士馬中原合
談笑風塵瀚海清
此日漢軍俱望幸
滿朝應重亞夫名

送歷城李明府入計

春生仙令鷓鴣袍
風雪塞帷擁佩刀
忽憶鳴珂雙闕迥
翻然飛鳥五雲高
朝堂不改燕山色
計吏寧分漢主勞
爲政只今多異蹟
須知帝力到秋毫

題少方伯徐公明月軒

三首

傲吏高齋海岱開
長留明月照池臺
白雲湖上秋何處
鴻鴈樽前客自來
寒色玉壺堪徙倚
流光華髮與

徘徊西園諸子俱能賦
獨讓應徐鄴下才

其二

應憐明月滿長安
永夜憑軒萬里看
秋水乍疑湖外合
白雲猶似署中寒
繞枝烏鵲星霜色
一曲關山道路難
此興庾公會不淺
南樓參佐幾人歡

其三

湖上風流畫省新
堪多明月少紅塵
長懸素魄銜金鏡
不減清光抱玉人
當戶雲生屏自倚
拂牀星動劍相親
看君如在揚雄宅
搦管元經合有神

送俞按察之湖廣

二首

檐帷十載使君東，開府還當楚地雄。
江漢日高天子氣，樓臺秋敞大王風。
重瞻執法臨台象，自許論文見國工。
有客儻能鸚鵡賦，莫令才子嘆漂蓬。

其二

攬轡江湖萬里清，使君三楚舊知名。
陽春不是尋常調，明月堪償十五城。
行省重臣推掌憲，中原多事盛談兵。
遙憐佐吏耽秋色，不淺南樓庾亮情。

送張直卿再遷三楚叅政

誰言才子竟漂零，十載功名滿漢庭。
前後兩曹推起草，風流百粵讓談經。
重來方岳分荆楚，此去江湖識

歲星。明主賜環今日事，武昌楊柳幾回青。

元美以吳紗見惠作此謝之

西施浣紗江水中，下機便入吳王宮。
憶昔紅顏銷白雪，淒然素手弄秋風。
新裁薜荔忽無色，更集芙蓉應未工。
知君贈我視縞帶，願言不忘披裘翁。

答寄華從龍戶曹

起草當年漢署才，毗陵尺素爲誰來。
山中鴻鴈三秋色，江上浮雲萬里臺。
總是風塵淹伏枕，空將日月老銜杯。
清時仲蔚非無意，謝客蓬蒿更不開。

贈符臺卿李伯承出使東藩

二首

漢宮春色照蘭臺符節分曹右掖開司馬長卿詞客
幸東方曼倩侍臣才海濱城闕浮槎下天上風雲擁
傳來無那故人常伏枕論詩還爲一銜杯

其二

春風紫禁日朝天帝寵東藩奉使年直省月臨三
殿出輜車星度九河懸綈袍忽動青雲色華髮逾驚
白雪篇莫道故人霄漢少如君侍從總堪憐

除夕

夜色蕭條雪滿庭唯應濁酒見漂零關門忽散真人
氣滄海還高處土星一自倦遊拚謝客遂因移疾罷

傳經春風明日長安道依舊王孫草又青

杪秋登太華山絕頂

四首

華頂峩巖四望開正逢蕭瑟氣悲哉黃河忽墮三峯
下秋色遙從萬里來北極風塵還郡國中原日月自
樓臺君王儻問仙人掌願上芙蓉露一杯

其二

縹緲眞探白帝宮三峯此日爲誰雄蒼龍半掛秦川
雨石馬長嘶漢苑風地敞中原秋色盡天開萬里夕
陽空平生突兀看人意容爾深知造化功

其三

太華高臨萬里看中原秋色更漫漫振衣瀑布青雲
濕倚劍明星白日寒東走峯陰搖砥柱西來紫氣屬
長安自憐綵筆驚人在咫尺天門謁帝難開萬里之
其四
徙倚三峯峯上頭蕭條萬里見高秋蓮花直撲青天
色玉女常含白雪愁樹杪雲霾沙漠氣岩前日暈漢
江流停杯一嘯千年事不擬人間說壯遊

滄溟先生集卷之八

滄溟先生集卷之九

濟南李攀龍于鱗撰

七言律詩

殷太史正甫至自太山爲贈

明堂天子昔登壇御道風流擁漢官海色迴臨三觀
動春陰不散五松寒白雲忽向封中出玉牒誰從篋
裏看此日滿朝求禪草相如早晚入長安

又作此問正甫

上宮春色自何年阿閣神房幾洞天囊裏定攜三秀
草懷中曾擬四愁篇射牛漢蹟今猶在繫馬吳門似

杳然七十二家論祀典還朝可奏 聖人前

送吳峻伯之楚

才子風流滿禁林傳經海岱 主恩深諸生自紀銜
魚事千里誰知相馬心王氣日隨江漢轉方城春壓
洞庭陰憐君宦跡偏形勝四十叅藩豈滯淫

送朱大中丞召拜少司空還朝 二首

執憲登臺海岱東銜 恩入拜少司空長安近指廻
車日閭闔遙分曳履風北斗秋高玄武署五雲春滿
建章宮懸知魚藻歡無極漢主從容問畫熊

其二

八月仙槎海上行司空謁帝鳳凰城漢庭經術還高
第畫省風流自列卿視草星辰堪動色按章朝野盡
知名況逢麟閣多賢日非復當年折檻情

送崔中甫入對

才子乘春集帝京燕山宮闕五雲生按圖白動千金
色射策還高片玉名清問從容天下事朝廷經畧海
方兵一時得意諸年少莫學終軍浪請纓

寄贈漢陽楊明府

方城仙令日爲羣各把銅章百里分江漢至今稱楚
望風流何必減諸君東臨黃鶴飛雙鳥西接蘭臺見

五雲早晚 主恩誇羽獵滿朝誰不薦雄文

贈李明府暫詣廣川奉送 景王之國

帝寵親王出牧年逢迎東道借才賢
郎官舊列星辰上朱邸新開日月邊
千乘旌旂分羽衛九河春色護樓船
知君不廢鳴琴興應教還操桂樹篇

和李明府春日馳戀庭闈之作

百里弦歌大岱東美人爲政復誰同
河陽縣裏花常滿北海樽中酒不空
製錦還看成麗句裁斑忽憶舞春風
何妨問寢憑雙鳥擬送王喬入漢宮

酬朝城張明府和御史中丞蘇丈秋興見寄

聞君爲縣武城傍花裏絃歌不下堂
佳政日來多薦疏美名年少滿詞場
揮毫色動郎官宿拓簡光搖御史霜
千載並傳秋興賦可知潘令在河陽

送劉侍御歸臺 四首

使者乘秋入建章曉排闥闥侍君王
繡衣忽動雲霄色白簡猶含海岱光
自許風霜知列柏還將諷諫托長楊
大東杼柚看如此況復徵兵事朔方

其二

才子高名八使中登車千里競稱雄
西臺入奏聞天語東海陳詩見國風
伏柱久推三楚駿還朝爭識五

花驄極知未盡澄清意獻納猶堪寵漢宮

其三

蘭臺使者出長安風俗三齊攬轡看今日殿中玄武
仗須君柱後惠文冠彈章氣借山河壯執法秋臨節
鉞寒儻值東封陪扈從舊游偏奉六龍歡

其四

繡斧東來按部年一時風裁萬人傳烏臺高傍黃圖
起青橐遙依紫極懸三殿直聲推許國九河秋色送
朝天正逢宣室齋居日羨爾持書捧御筵

送謝中丞還蜀

二首

微垣法象切三台御史中丞憲府開參執廟堂刀筆
吏兼提郡國羽林材煙塵部索臨東夏節鉞朝恩壓
外臺直擬賊平答明詔誰知投杼自天來

其二

元戎幕府檄書成枹鼓春風遂不鳴東觀齊名推李
杜西臺獨坐見澄清君王更寢中山篋談笑堪銷渤
海兵暫去恐非高卧日佇看安石起蒼生

送馮汝言學憲之浙江

二首

使者清秋擁漢槎五雲回首望京華傳經南國推高
第執憲中朝屬世家紫氣欲臨滄海日綵毫先動赤

沈氏集 卷之九
城霞還披絳帳延諸少爲報西施剩浣紗

其二

儒臣奉詔外臺居況復揚波海晏如門下美才收竹
箭卧中高士羨桐廬山川半入吳都賦風俗兼傳越
絕書始信工文官自達 主恩垂老不曾疎

羅山甫自晉徂齊見困鹽官暫詣 京師攜

家南還遂有此贈

十載青雲跡漸疎風塵作客意何如服車垂老偏知
驥彈鋏從工不爲魚游子千金堪買賦佳人五色漫
裁書江南蘄北俱搖落那得樽前憶故廬

重送山甫

短髮蕭蕭日影孤清秋行色又 皇都百錢杖底猶
懸否片刺懷中好在無老去它鄉惟藥物愁來佳句
滿江湖只言倒屣尋常事不是燕山舊酒徒

送何戶曹之金陵

江上層臺繞鳳凰石城秋色正蒼蒼黃金不厭東南
氣紫闕猶懸日月光 帝謂何郎終傅粉人傳荀令
本含香卽今起草從容處轉餉風流海一方

春夜許使君集送江生過謁李伯華太常江
善鼓琴因句及之

君家綵筆美名齊
客裏瑤琴重解攜
抱膝自高粱甫
調絕絃空老雍門
啼冰開華館三魚
集月出春城五
馬嘶近報太常
深作事相逢應
共醉如泥

送方山人

紅顏裘馬客京華
十載春風上苑花
忽爾壯懷生海
嶽條然清興滿
烟霞已拚白髮
投詞社肯惜黃
金盡
酒家最是子雲
甘寂寞也因奇
字識侯芭

送許右史之京二首

春林彈彈鳥嚶嚶
花裏開樽送友生
華髮我堪雙別
淚
綈袍君自一交
情白雲欲贈湖
中色紫氣遙臨
海

上城明日已拚車馬絕
不妨書札報柴荆

其二

少年車馬日紛紛
老去誰應更識君
酒態美如嵇叔
夜詩才清似沈休
文曳裾忽動梁園
雪飛蓋兼停鄴
下雲試向樽前
看過鴈春風那
不念離羣

夏日龔生過鮑山樓

長白山人本種田
談經半住嵒湖邊
攜來滿甕春城
酒乞得諸生月
俸錢倚檻四高
滄海氣銜杯一
望縉
雲天尋常雞黍
休嫌薄不淺交
情二十年

神通寺

相傳精舍朗公開千載金牛去不廻初地花間藏洞
壑諸天樹杪出樓臺月高清楚西峯落霜淨疎鐘下
界來豈謂投簪能避俗將因卧病白雲隈

過吳子玉函山草堂

玉函山色草堂偏恰有幽人擁膝眠樹杪徑廻千澗
合窗中天盡四峯連綠陰欲滿桑蠶月白首重論竹
馬年就此一樽無不可因君已辦阮家錢

酬張轉運龍洞山之作

春山遙上翠微連忽出藤蘿一徑懸削壁雲霞開五
色中峯日月隱諸天浮漚並結金龕麗飛竇雙銜石

甕圓莫怪驪珠君已得寒湫元自有龍眠

與轉運諸公登華不注絕頂

中天紫氣抱香鑪復道金輿落帝都二水遙分清渚
下一峯深注白雲孤岱宗風雨通來往海色樓臺入
有無不是登高能賦客誰堪灑酒向平蕪

魏使君過宿鮑山山樓分賦

層樓風雨一登臨把酒重論十載心楚客豈須疑白
壁鮑山堪自見黃金褰帷上國風雲滿伏枕中原日
月深忽憶明光曾共被那知萍梗到于今

使君重過山樓分賦得空字

使君千騎入從東此日登臨作賦雄樹杪平湖元在
地簷前疊嶂半浮空煙霞色借雙轡動牛斗光搖一
劍通自入鹿門常謝客誰能濁酒過龐公

和魏使君扶持游太山

中天誅蕩敞天門上帝樓臺拱帝孫五馬並臨吳觀
重諸峯獨讓丈人尊秦松忽借蒼顏駐海日遙銜紫
氣屯可道黃河看似帶須知西北是崑崙

李伯承謫亳州

十載風流寵漢庭一時才子見漂零便從天上來真
氣縱落人間亦客星肯惜陽春迴綠綺自愁明月按

青萍江湖我輩看猶在差可扁舟問獨醒

得元美兄弟書

愛弟何因興太豪逾令四海羨吾曹金莖並擢青雲
秀玉樹雙銜白雪高江上錦翰排藻疏吳門練影散
綈袍知君難作池塘夢春色看人引濁醪

答元美

闔閭城上有高臺海色蕭條對酒杯千里驩驪堪自
老孤飛鴻鵠一何哀秋風忽傍扁舟起明月遙含尺
素來白雪驚人操不得因君此曲暫徘徊

答王敬美進士

江左風流迥自分中間小陸更能文五花欲就龍爲友千里高飛鶴不羣亂去東南無王氣愁來西北有浮雲只今年少稱才子屈指詞林已到君

謝魏使君題白雪樓

白雪新題照畫闌鮑山堪此對盤桓楚宮一送江天色郢曲長飛海氣寒繞夜朱絃清自語凌雲綵筆老相看使君不是元同調千載陽春和者難

寄右史

聞君天上聽吹噓薊北春風滿素書東壁儻難分末照何門不可曳長裾卽看投散官逾穩莫笑憐才術太疎諸子當時堪自見于今意氣有誰如

寄汝南徐使君

美人爲政有輝光太守能名讓汝陽此日單車俄罷郡青春五馬暫還鄉君才堪自風波老上意元從雨露長篋裏謗書休苦問恐今年少識行藏

吳使君自建寧移邵武

十載徘徊侍從羣銅符更向七閩分且疑落魄終遷客也自風流一使君五馬忽驚龍渚氣雙轡猶畫幔亭雲已知才子官難起無那吳郎雅好文

南樓

南樓暇日坐崢嶸白髮從他望裏生海近雲霞常繞
戶山迴風雨動連城綵毫一散中原色濁酒偏合我
輩情千載陽春須此調少年休說是虛名

白雪樓

伏枕空林積雨開旋因起色一登臺大清河抱孤城
轉長白山遊返照迴無那嵇生成懶慢可知陶令賦
歸來何人定解浮雲意片影漂搖落酒杯

杪秋同右史南山眺望

二首

青樽何處不蹉跎白髮相看一醉歌坐久鏡中懸片
華望來城上出雙河杉松半壁浮雲滿砧杵下家落

照多縱使平臺秋更好故人猶恐未同過

其二

回首飛鴻碣石標清霜處處錦林凋層巖倒映平湖
淨積翠斜連粉堞遙四海交游空老大一時賓客更
蕭條病來苦愛觀濤賦不分梁園此見招

爲周明府太霞洞天卷題

太霞高館洞天遙東接蘭津十二橋巖壑盡銜滄海
氣樓臺常對赤城標雲烟五色春相麗金碧諸山夜
自朝仙令怪來工製錦眞陽人喜得王喬

贈周眞陽明府

仙令風流百里才談經新自蜀中回彩毫忽動梁園
色丹竈還鄰葉縣開琴裏春生桐柏水月明人在景
夷臺只今汝穎高賢聚爲有郎官一宿來

送魏使君入朝

青春五馬入朝 天稍似明光草奏年方岳只今雄
海岱山河原自壯幽燕風雲忽傍轡帷起日月猶臨
省署懸况復政成聞問好黃金不是上恩偏

送魏使君入朝 觀兼呈吳郡武

如雲計吏集 神京此日江湖見友生自是古今雙
五馬居然南北兩專城漢廷交映黃金詔楚客同蜚

白雪聲治行不知誰第一獨應巖穴愧高名

爲問明卿卽承

聖天子垂問巖穴隱逸豈復有狂如李生者於邵武
邵武因自
多賢矣

寄贈襄史周象賢

春色高齋萬里生曳裾常日罷逢迎雲霄未報中丞
疏江漢先傳外史名缺容銅鞮多駿馬佳人花豔動
傾城王門自昔棲遲地何限龐公避世情

明溪篇二首贈周都閩

明溪斜帶越臺高遠送清光照錦袍勢奪潮聲雄鼓
角波分海色壯旌旄浮雲深控嫖姚騎秋水常函別

海濱集 卷之九
駕刀翻恨普天無戰鬪臨觴不得更投醪

其二

越臺山下小江干一曲遙開漢將壇
槎動星河天上下陣成魚鳥鏡中看
戈鋌忽溢澄潭色組練偏縈素渚寒
此日非熊應入夢心隨渭水到長安

錫山尊賢祠

長史祠堂海一隅諸君精爽夜常俱
懸知震澤珠來往莫問東峯錫有無
前輩風流開俎豆南朝伏臘見粉榆
何人不羨秦公子血食賢哉二大夫

秦丈爲武昌公建開利寺觀鵝亭

江上新亭接梵臺風流重憶右軍才
相攜愛馬高僧過自許籠鵝道士來
池水如披霜練出煙霞猶傍彩毫開
使君暇日多延眺可但南樓興已哉

除夕魏使君攜長君及黃山人見過同賦

三徑蕭條雨雪前使君除夕報周旋
檐帷自御元方出賓客兼攜叔度賢
太史定疑滄海氣陽春先動楚宮篇
諸生光寵霑行酒不獨荀家事可傳

與魏使君宿龍洞山寺同賦 四首

迴壑深林繞梵宮春來吟眺使君同
空潭忽散三峯雨暗穴常吹半夜風
人擬二龍精自合詩看五馬步

逾工諸天坐失懸鎧色明月先投入掌中

其二

使君春興滿綈袍綵筆青山對濁醪望去天回雙闕
迴坐來雲盡一峯高蛟龍出入常風雨鴻鵠拚飛自
羽毛愧我淹畱逢楚客攀援桂樹咏離騷

其三

削成東壁五雲屏下有龍宮夜不扃斗柄故臨雙甕
轉月明常對一珠亭春回竹葉杯光白天逼蓮花劍
氣青坐久空山仙籟寂新詩獨爲故人聽

其四

秀色中峯獨不羣藤蘿二月已紛紛諸天近海金銀
氣雙峽長春錦繡文塔影半空懸落照溪流一曲灑
浮雲縱令洞口龍吟發郢調還須讓使君

寄殿卿

春滿梁園興不孤平臺一望盡平蕪于時授簡酬知
已何處銜杯憶老夫浪跡已應爲客就浮名猶自傍
人無只今忼慨夷門道肯讓蕭條在五湖

答殿卿

莫問看春第幾場纔兼風雨更茫茫能無對酒思公
子亦有登樓望故鄉敢謂馬卿元在漢何如枚叔正

游梁病來已廢凌雲筆為愛觀濤擬報章

送翟使君奏最

三臺年少雅相聞五馬邊州老使君更擁星軺趨北
斗還依露冕拜南薰政成黃鵠誰云匹佩有青萍自
不羣海內重名推佐郡那知詞賦並凌雲

送張轉運之南康

二首

此去專城又楚都遙臨五嶺壓三吳坐來齋閣江聲
合忽傍檐帷嶽色孤白晝落星寒劍氣清秋石鏡滿
冰壺美人欲報瓊瑤賦彭蠡春深鴈有無

其二

轉運舊為太僕丞南刑部

轉運風流動海方僕臣司駕早稱良齊鹽萬斛乘艘
下冀馬千羣入塞長廬岳使君新領郡金陵仙吏舊
含香須知共理勞明主不但西京數趙張

東張問甫使君

裘馬當時滿漢關故人誰不羨紅顏只今湖海窮相
傍可道風塵老自閑伏枕此身惟濁酒拂衣何處不
青山與君俱作漂零客容易經年斷往還

賈明府侍太公

郎官承寵建章迴海岱春深百里開經術家傳新息
長風流人羨洛陽才心同鄴令雙鳧舞身御于公駟

馬來怪得五雲高列宿卽看南極近三台

贈蓬萊王少府

漢宮清切右曹開染翰當年屬妙才天上鳳毛猶五色斗間龍氣劃雙迴雲霞春滿千家邑山海秋高萬里臺自是仙郎偏雨露總爲遷客亦蓬萊

送耿叅縣之官

百里初分上谷城傍臨易水接燕京地偏俠客風猶在天近郎官宿轉明北闕青雲懸鳥影西山白雪入琴聲看君三異尋常事何限當年卓魯情

酬右史題扇見贈

紈扇新題寄遠篇纔開篋笥已堪憐清風忽自蘭臺至明月還從鄴下懸佳客滿堂疎翰墨美人千里共嬋娟何因懷袖含香署再使君恩出入偏

苦熱因憶右史覽揆之辰作此爲寄

河朔風流避暑年平臺此日更翩翩客惟枚叔元稱叟主自梁王雅好賢兔苑近含嵩少雪鴈池遙動廣陵天故人苦熱心同渴安得金漿共爾傳

答殿卿書

故人書札到寒溫病起蓬蒿正滿門彭澤妻孥相對老淮南賓客自言尊頌成濁酒深知德投罷明珠始

見恩莫爲尋常招隱士山中轉復念王孫

酬黃山人郡中見懷之作兼呈魏使君

千山佳色郡齋前楚客相思秀句傳白雪調成堪自
老青雲名在好誰憐胡牀夜傍南樓月濁酒春開北
海天羨爾風流陪坐嘯轉令人見使君賢

慰魏使君悼子

郡閣春深種合歡將雛一曲動雙彈寒帷此日驚騎
竹灑淚何人說夢蘭楚璧自含明月墮隋珠空抱夜
光寒況逢羸博分符地片石焦堯不忍看

陶明府自羅山移東安

仙令風流自汝陽三臺薦疏滿明光不緣馴雉聞當
寧那得飛鳧入帝鄉地近五雲窺製錦天廻列宿
映垂裳折腰未是君家事珍重彈琴單父堂

送汪仲安之長沙藩理官

三楚風流總帝鄉蘭臺池館漢諸王官貧舞袖旋應
拙老去長裾曳不妨授簡春陰生岳麓開樽秋色動
瀟湘從來此地多才子吊屈還看有和章

九日

九日陶家菊自黃更聞飛鴈搗衣裳誰人對酒能無
賦何處登高不望鄉二水寒光搖落照孤城秋色動

清霜那知極目中原苦數子江湖未盡狂

和余德甫江上雜詠

城下春江繞戶斜誰開三徑俯龍沙客攜彭澤先生
酒人指南州孺子家一劍寒光搖北斗西山秋色送
雲霞只今海內無同調高枕從君老物華

題仙人騎白鹿圖贈魏使君

少室仙人玉不如飄搖來自太林墟已參白鹿雲中
駕復把青羊洞裏書二女三花相綺麗霜毛短髮共
蕭疎使君何讓臨淮守夾轂雙隨五馬車

答子與病起見寄

青門遙向汝陽分伏枕傳書到白雲已道風波能失
所更逢搖落不堪聞九歌自我思公子七發何人起
使君一日齊名千載事驚心豈獨久離羣

寄題子與使君薜荔園二首

太守爲園自一邱遙看薜荔接滄洲醉來忽下湘君
淚賦罷深知楚客愁黯淡欲飛天目雨蕭條猶帶洞
庭秋惟應日共蓬蒿長安得聊從仲蔚遊

其二

老蔓成帷網四隣紛紛落葉雪溪濱嬋媛初服能無
客窈窕空山若有人楊柳摧殘彭澤隱桃花俗殺武

陵春獨憐遠道難爲理欲采何由寄所親

青蘿館二首

十畝青蘿別館開使君延眺意悠哉風搖北渚清陰
合煙雜南山黛色來臺敞高秋深染翰庭虛斜日淨
銜杯西隣榮叟常還往帶索應同薜荔裁

其二

湖上高齋此一時垂蘿四面繞茅茨欲令何處紅塵
入可道窺人片月疑色借古松成遠勢意含幽石有
餘姿空傳蔣詡開三徑不遇襄羊那得知

寄子與

何言雨雪薊門深明日褰帷是上林湖海弟兄餘灑
淚雲霄詞賦足知音猶堪一起中原色莫使長懸萬
里心不爲故人勞問訊十年書札總浮沈

冬日登樓

佳節高樓酒復清鮑山斜日入杯平天涯誰借窮交
淚海內空傳拙宦名四野浮雲垂雪色千林朔氣擁
寒聲醉來極目中原盡獨抱風流萬古情

子與病起移書二美吳下羣賢爰脩禊事踊
躍勝遊遙爲屬寄

伏枕經春憶舊遊永和三日命扁舟一時藝苑人亡

恙千載蘭亭事可求吳下山川何蘊藉王家兄弟本
風流獨憐搦管傳觴處有客中原自白頭

魏使君以太公登太山

何言紫氣滿崑崙須信中原五嶽尊南極一星朝日
觀東方千騎擁天門舞衣重染雲霞色探篋深銜雨
露恩試向丈人峯上望祖徠新甫拱兒孫

病甦憶王徐二子

伏枕高樓白日徂夢回春色杳相扶風流轉覺中原
盡海嶽驚看我輩孤寒雪千山雙鬢老浮雲萬里尺
書無也知俱壯觀濤興只是飄零不可呼

答贈廬陵劉山人

西來獻策薊門深栖泊王家玉樹林說劍夜高湖海
氣鳴琴秋入薜蘿心別時春色長相似歸去浮雲不
可尋萍梗愧君能記憶十年遙寄白駒音

答寄余德甫

當年草奏柏梁臺此日漂零濁酒杯伏枕春陰三楚
合拂衣秋色大江迴含冤夜識雙龍氣作賦時推二
馬才極目中原諸子盡豫章城裏一書來

薛氏瑞室自衡州使君以來不罹火事者二
度君子美之但爲題止宜記頌然不可無律

體乃先難以屬和者一首

赤堇山火照城東郭外巋然太守宮舊俗龍蛇元自
厭比隣燕雀竟相蒙獨飛蜀郡尚書雨再反江陵大
尹風四壁遺經亡恙在諸孫往往見文雄

寄憶余德甫

綵筆花生尺素寒西山飛雪正漫漫何來章貢雙江
合並倚雌雄兩劍看無那中原長伏枕可知千載一
彈冠卽今寥落陽春曲滿眼巴人和客難

滄溟先生集卷之九

滄溟先生集卷之十

濟南李攀龍于鱗撰

七言律詩

答寄聶儀部子安

司馬雄才動帝京當時羣從獨高名奏成華省青雲
氣賦就仙郎白雪聲春色迥分南北望江流不盡古
今情應憐此意同巖穴千里傳書歷下生

薛子熙以青州使君聘脩郡誌見在林園尋

示贈章作此答寄

越客風流問字年登臺把酒白雲天一毛實自河東

下雙鯉兼從海上傳彩筆乍含星野動明珠長對雪
宮懸已看霸氣前朝盡猶說當時鮑叔賢

病間答許殿卿

病客高齋黯澹生何來一札大梁城夢回滄海風雲
色春落黃河雨雪聲伏枕自須疑慢世曳裾兼亦似
逃名可知枚馬元同調誰見千秋出處情

南海歐生自京師遺書于大梁屬許右史爲

致答此

中原才子動相聞誰復高名得似君南海一珠懸北
斗黃河雙鯉墮青雲城邊五色羊何在臺上千金馬

不羣獻賦幾年猶未遇羅浮春思坐氤氳

送魏按察之潞

壺關上黨切雲霄憲府中天插漢標山勢西臨三晉
險地形東控兩河遙名從出守高郎署策本和戎寵
聖朝盡道疆場懸節鉞猶能書札滿漁樵

送崔明府之宿遷

山陽列郡接青徐宿子中開百里居自是燕臺求駿
馬飄然淮海駕蜚魚邑因美政花相似令有文名錦
不如共理卽今明主意憐君指日捧徵書

題李水部恩榮卷

滄溟集 卷之十
自奉天書出建章 明時誰不羨仙郎五雲偏借斑
衣色列宿遙含畫省光水部盛名懸楚望南山佳氣
入高堂鹿門咫尺龐公宅那見恩波繞漢陽

送賈明府以徵書入遷

茂宰能名海岱聞更推經術起河汾卽論展驥無干
里果爾飛鳧便五雲烏府風霜秋正急黃門供奉日
爲羣徵書十道求高第治行誰人不讓君

送郭子坤別駕之廬州

諸生垂白困談經何似雄飛出漢庭客自燕臺知驥
足人從金斗識屏星耆闈海外來峯色大蜀淮西擁
地形匣裏佩刀誰所贈龍鳴風雨未堪聽

其二

吳楚西南郡閣重廬江小吏日從容濡須不是天河
水霍嶽爭齊紫蓋峯京洛仙舟飛似鷁并州竹馬健
如龍已知家世多名士難道明時可易逢

許殿卿擢左史

萬里襜帷逗主恩長裾一再歷寒溫諸侯賓客梁園
盛帝子官僚相國尊誰爲從旁驂駟馬自應虛左過
夷門况兼詞賦凌雲氣漢署風流可更論

九日登樓

白鴈黃花處處秋
鮑山風雨獨登樓
忽驚返照湖中出
轉見孤城水上浮
多病恰堪成卧隱
濁醪眞足抵窮愁
先生懶作東籬會
可但交情老自休

青州志成薛生重在報別將詣元美作此爲

贈

於越諸生稷下來
梧宮重起讀書臺
薛君世業推經學
齊客家傳讓史才
北海風流天上座
雲門秋色鏡中開
菰蘆更有人相問
爲道登龍御李廻

青州志成贈杜使君

使君經術有餘師
元凱家傳左氏辭
東海大風廻騁

翰少陽寒色動
褰帷按圖冠帶還
千里問俗春秋自
一時況是郡城常
下鳳文章兼似羽毛奇

題南海柏臺甘露贈潘侍御

二首

繡斧光清瘴海雲
行臺甘露柏紛紛
九天驄馬人爭避
五色神羊氣不羣
白簡風生偏起粟
皂囊秋淨總垂文
侍臣豈讓東方朔
千載芙蓉奉聖君

其二

蘭臺使者憶長安
萬里雲霄攬轡看
忽報三危開玉樹
誰分雙掌注銅盤
霜凝合浦明珠出
風動增城瀑布寒
清節滿朝君不信
流光偏綴惠文冠

題潘廷尉畱餘堂

前朝知政四畱餘，廷尉爲堂取自書。
潘令官銜猶散騎，于公門第早容車。
法星傍斗懸高座，佳氣如雲護直廬。
海內稱平逢此日，主恩先已未應虛。

子與自蘆臺量移瑞州二首

題座高名漢署來，魚鹽小吏混蘆臺。
誰憐汝海分符客，自是南皮作賦才。
老驥霜蹄千里動，佩刀寒色九河開。
量移休道非知遇，難得君恩一日回。

其二

遙傳雨露一時新，不負飄零戀主身。
高卧中原堪

有客雄飛爾輩可，無人屏星色動雙龍曙。
錦水光分五馬春，詩興宦情看並美。
南州孺子況爲隣。

得元美馮叅政書知王沂州先已失寄

搖落中原伏枕時，故人千里一相思。
雙魚不減加餐字，五馬虛傳遣吏辭。
我在河山終未邈，書來雨雪自堪遲。
從今把酒登樓處，數子江湖會有期。

答寄敬美

君家鴻鴈滿江干，歲杪逢人一字難。
白雪似應工伏枕，青山好在重加餐。
卷中雙玉清相倚，掌上千金笑獨看。
兩地起居俱不惡，風塵回首任漫漫。

寄題元美藏經閣

峇嶷飛閣大湖傍有客繙經日滿牀
白馬尚留霜練影彩毫應帶雨花香
當年張掾生秋興何處支公坐道場
君自風流兼二子吳門極目正茫茫

送歐文學之江都

雨雪寒燈對濁醪蕭然似是一儒曹
下帷國士堪華髮草檄門生自綵毫
雙鋏迥分滄海氣孤城秋壯廣陵濤
文星雖小人爭識南斗常臨劍影高

寄張幼于

吳門風雨洞庭陰上客常開子墨林
劍閣自題名更起鱸魚一憶興何深
古今不改中原色南北相看萬里心
愧我驚人無俊句勞君寫入二龍吟

白雪樓寄懷徐使君兼呈元美

木落清河入檻流平陵月出照牀頭
開樽自動青雲色掩卷俱含白雪愁
南國佳人能命駕中原病客此登樓
從他不淺山陰興遠道無因報子猷

秋日寄懷元美兼呈吳徐二使君

十載江湖白露寒因君萬里憶長安
故人相向中原老秋色何如畫省看
邵武功名非不佞汝陽經術雅能官
卽今垂作漂零客可道音書日轉難

寄題況吉甫藥湖別業在荷山下

湖上高齋萬木齊白雲長在楚天西
落霞一散燒丹火秋水遙通濯錦溪
伏枕自來詩不廢扁舟誰爲酒同攜
南峯盡作蓮花色曾是王喬隱遁棲

答寄余德甫

二月鴻書發豫章到來春興日能長
宦情轉借中山篋詩句猶含右省香
海內故人元落落江南秋色正蒼蒼
遙知相憶登高處更過陶家醉不妨

寄謝俞仲蔚寫華山圖

雲臺隱者二茅龍曾道神仙自可逢
忽爾畫圖開萬里居然秋色在三峯
貪看塞外黃河下坐失關門紫氣重
況復題詩如謝眺當年却恨不相從

奉贈杜使君寄上太翁八十壽

越徼春生戲綵天風流耆舊楚先賢
青州五馬分符口渭水非熊入夢年
一自趨庭經術就還應託乘帝恩懸
卽今南極長朝斗並照明珠北海邊

秋夜白雪樓贈周公瑕

日落風清竹樹林一樽飛閣敞秋陰
纔逢狗監人先老能到龍門客自深
海上共懸明月夢山中堪贈白雲心
陽春寡和休言誤此夕因君作楚吟

登華不注山送公瑕

鴻鴈高飛木葉丹逍遙臺上一憑闌浮雲不動孤峯
起落日長臨二水寒多病故人書未達中原秋色醉
相看預愁匹練江南道極目吳門駐馬難

題周天球小像

落魄吳門五十春嬾從高閣畫麒麟此中墨客爭知
妙何處詞人更有真白眼自宜置邱壑紅顏元不染
風塵東墻休掛喬家女夜恐周郎作後身

贈吳人梁辰魚

迢遙岱嶽海漫漫秋興如君未易闌三觀雲霞天上

坐蓬萊宮闕掌中看纔探綠綺陽春動一說干將紫
氣寒詞客吳門誰不羨王家兄弟雅盤桓

寄謝許左史刊倡和集

平臺左史寄相思開卷風流見往時已自游梁詞賦
長翻因御李姓名疑元經竟爲何人出郢調除非和
客知君有明珠堪照乘更煩清影及茅茨

舜祠吳臨大雪

雨雪號天慘曙暉君王千載一垂衣廷中左鉞將軍
出海上樓船使者歸紫氣不隨江漢轉白雲還傍薊
門飛孤臣賸有蒼梧淚逐客瀟湘在亦稀

答寄子與時自蘆臺移瑞州按察山東

北風飛雪擁南奔苦向綈袍掩淚痕
病客世疑中散傲故人官起外臺尊
尺書萬里存交誼一歲三遷見主恩
月出登樓如匹練每依吳觀望吳門

於白雪樓送龔生入貢

樓上春陰動曉寒
薊門千里入憑闌
別來白雪還誰和
老去青雲好自看
天子今逢新禹貢
諸生不改舊周官
臨軒若問羊裘客
莫道江湖有釣竿

杜青州按察楚中

東方千騎古諸侯
憲府新開大楚秋
北海清風猶滿

座武昌明月更登樓
五雲過郢朝佳氣三峽吞江擁
上游此地功名誰得似
君家元凱自荊州

寄別元美

誰憐伏闕上書還
國士銜冤動帝顏
殺氣始應高碣石
飛霜猶自滿燕山
風塵雙淚綈袍盡
湖海扁舟白髮閑
却念十年攜手地
不知春色在吳關

答元美山東道中見寄

飛來尺素九河陰
報道春光滿上林
游子自矜年少好
故人無恙歲寒心
卽今病借青雲起
何用詩傳白雪音
處士一星依帝座
兩朝誰似主恩深

答元美廣川道中見寄

檄書遙借薊門看咫尺平原一笑難便道何妨畱作
客他家惟願起爲官雙龍夜敞星文動匹馬秋深獄
影寒杯酒可知公子意空懸十日布衣歡

答王敬美廣川道中見懷

薊門秋色夢中偏二子乘舟下廣川食客未應常在
趙酒人誰復並遊燕心知老驥元千里目送歸鴻自
一天已分蓬蒿能興盡壚頭春酒却堪憐

答寄俞仲蔚兼呈元美時不果枉因有末句

濁酒新開綠綺鳴白雲湖上掩柴荆興來陶令還辭
社老去龐公不入城一疏中原高病色千秋吾黨見
詩名故人徑作書相別握手看君負此生

寄懷子與

白雲愁色滿秋天海上離心鴈影傳那堪對酒書相
憶況復登樓月正圓自爾一攜龍劍合何人更問鶻
冠篇莫言十日平原飲不是王孫得意年

殷洗馬誕子值今上登極日

詞臣三命侍經筵 聖主龍飛薊北天珠借星辰堪
並出弧隨日月更新懸一毛深照銜圖夜千里長懷
托乘年共訝玉堂分氣色兼城重喜得藍田

寄賀天官殷少宰

十載詞林供奉中，史才經術並稱雄。
恭承三命銅龍署，兼典諸儒白虎通。
要地持衡當北斗，清聲曳履入南宮。
猶言紫極氤氳處，非復文昌八座同。

答寄劉子威侍御

二首

吳客檄書問轉蓬，姑蘇臺上起秋風。
七星已佩干將劍，五色還乘鮑氏驄。
江海雙懸精自合，陽春一曲步逾工。
只今曾照西施月，多少娥眉畫不同。

其二

憶昔風雲滿帝鄉，同時射策向明光。
一毛宛在中書日，匹練遙飛御史霜。
北海清尊開岱色，西京綵筆照河梁。
非君尺素三江下，爭得秋聲入鴈行。

顧中翰祭告德衡二藩兼有事沂山東海

聖主新恩北極開，侍臣銜命出燕臺。
三齊茅土星潢近，二國松楸雨露回。
百丈自天垂瀑布，五雲佳氣接蓬萊。
俱言海嶽遊偏壯，爲有王褒作頌才。

送郭使君解郡暫還豫章詩有序

公之難去郡，百姓郡百姓之難去，公猶之
免赤子於懷也。斯古遺愛焉，不獲乎上民
不得而治矣。不曰直道而事人焉，往而不

三黜哉惟是

帝命維新舜有天下選臯陶於眾危言危行是以論其世也重選而厚望之相與以成其後者乎

春風解郡豫章還已報徵車起漢關儘怪雙龍高紫氣何妨五馬照朱顏門人榻自南州下座客樽應北海閑似是 朝廷知借寇先開書篋慰中山

送都轉運劉使君還萬安有序 二首

使君之在西省與僕甚驩久不聞問轉運山東時某杜門十載矣哀宗梁之悠悠感

古今世運王徐之常勤抵掌於同舍之役也使君司寇世家仲氏入拜九卿季子出典大郡是稱難兄再領國課厥聲卓然等以舊守常德誤中掇拾當路惜焉顧使君之在西省

使君漕輓二東回 天子全齊外府開海國至今餘伯氣大風千古見雄才魚梁忽落雙江水白石遙分萬里臺更廣絕交成妙論可無人識孝標來

其二

十年西署結交驩別後雲霄尺素難郡接荆衡分岳

淮海集 卷之十
三
牧場開海岱領鹽官五溪誤見明珠拾千里誰將老
驥看莫道賜環非近事新懸白日照長安

答元美吳門邂逅于鱗有贈 四首

姑蘇城上倚高臺却望中原酒一杯彼自有人浮海
去我今爲客渡江來飛龍忽報干將合老驥還驚匹
練開共向風雲論二子誰知天地此徘徊

其二

徵君巖穴雅能深出處人間總陸沉流水乍含鍾子
調浮雲不繫邴生心關門紫氣長來往海上青山更
古今世事彈冠難自料風塵容易是抽簪

其三

萬里風雲北極生中原二子舊齊名居然霄漢雙封
事自是江湖一宦情天借客星高物色歌回春雪壯
潮聲何妨邂逅成佳會正復相思命駕行

其四

雪滿江城醉色寒蕭條春興入彈冠自憐滄海雙珠
合誰作青雲一鶚看日月祇銷高伏枕風塵何事老
投竿豈宜梅福吳門在共說先朝吏隱難

過嚴陵

嚴陵物色動新年解纜春回七里船繡領更宜殘雪

映鈞臺高並客星懸灘聲乍合三江壯山勢遙臨百
越偏此日青陽瞻帝座羊裘深愧昔人賢

題候濤山觀音寺寺徒自落迦

落迦山上古祇林白馬西來峽口深月出爾時樓閣
影風還如是海潮音若非鸚鵡元能語誰解蓮花不
染心五十三員知識盡可勞踪跡問浮沈

大閱兵海上四首

使者乘輶大閱兵千艘並集甬甸城騰裝殺氣三江
合吹角長風萬里生帳擁樓臺天上坐陣回魚鳥鏡
中行不知誰校昆池戰橫海空傳漢將名

其二

戈船諸校錦征袍水戰當場命客豪萬櫓軍聲開島
嶼千檣陣影壓波濤赤城深泛旌旗動射的遙銜竹
箭高東海便應銅柱起何妨馬援是吾曹

其三

列艦如城積水前援枹擁棹出行邊桔槔氣逆流烏
火組練光搖太白天鵝鶴一呼風雨集鼉鼉雙駕斗
牛懸卽今萬國梯航日並識君恩浩蕩年

其四

新開帷幄控朝宗萬里波臣老折衝海氣抱吳遙似

馬陣雲含越總如龍中流鼓應潮聲疊下瀨戈迴日
影重自有長纓堪報 主誰言白雉竟難逢

元美起家按察河南寄促之官

莫道漁樵計已安 主恩堪爲一彈冠足知上國羣
公疏猶作中原二子看虎觀迴連嵩少起龍門高倚
大江寒與君聊玩人間世明日抽簪未是難

答贈王給事

漢帝風流盛柏梁一時才子羨爲郎歸來東海桃三
熟諫罷金門草數行謫籍祇今人欲盡除書何意客
相忘黃公雖道商巖起家平鄆山是故鄉

二山人孤山吟社得菲字

西陵樹色澁斜暉一片仙舟拂練飛三竺漸從天上
落二峯高入雨中微人今湖海開詩社客自雲霄奉
禁闈綵筆如花誰不羨敢將春興鬪芳菲

靈隱寺同吳馬二公作

武林臺殿敞諸天建自咸和第幾年纔到上方雙澗
合飛來何處一峯懸梵音動雜江潮轉燈影長含海
日傳所以龍宮稱絕勝驪珠交映使君前

和馬侍御賦得飛來雙白鶴

三花珠樹五雲開海上雙飛白鶴來借問分行棲玉

署何如對舞映霜臺月明華表聯翩起雪滿緱山並
駕回萬里只今誰比翼仙禽原自不羣才

和馬丈見送巡海之作

樓船遙指越王城萬里波濤按部行門下有人惟說
劍江南何處不談兵長纓我媿山東妙銅柱君懸海
外名忽訝天台霞色起開槭彩筆更縱橫

煙霞嶺

煙霞不隔洞天遙佛影千巖散寂寥絕壁倒銜滄海
照一峯高映赤城標白雲家在時堪駐紫氣山深夜
自朝莫被藤蘿迷出入相逢終日少漁樵

董生寫四子圖

客星遙犯洛陽宮帝座雲臺路已通君自一毛求駿
馬我將雙眼送歸鴻青萍交映千秋色玉樹長含萬
里風不是弟兄江海上誰堪綵筆與爭雄

九里松圖爲馬侍御作

二首

三天嘉樹儼成行下接枌榆卽故鄉遠勢不隨雙澗
盡層陰並落二峯長葉棲金掌仙人露幹挺烏臺御
史霜孔雀東飛煩再顧欲從威鳳託清光

其二

武林佳氣日蕭蕭夾道長松入望遙黛色總疑天日

雨寒聲不辨浙江潮含淒風自枯鱗起倒影雲隨偃
蓋飄非值有心同竹箭懸蘿爭敢附高標

按察李公誕子公蜀人先以中書舍人爲御

史

高才染翰五雲中復道登車攬轡同雛有一毛殊是
鳳駒無千里不爲驄名烏業已承家學字犬文堪命
國工君自蜀人場馬在同鄉奕葉播清風

贈李封君兼訊長君進士

五陵羣少各賢豪客有能詩調獨高受業不隨秦博
士爲文無害漢功曹十年我輩慚龍卧萬里君家起

鳳毛江左衣冠堪此地美名如昨照同袍

高光州孤山精舍

白雲不散一山孤地主入稱楚大夫老作西陵詩社
長可攜南部酒家胡囊餘太古雙龍劍壁有行春五
馬圖汝穎過逢遺事在高陽似此聚星無

答龔茂才

中原相望兩漫漫傲吏重彈柱後冠不盡青雲東嶽
起飛來白雪大江寒人今雨別千年事君自風流二
仲看若問巖陵灘上月小清河北照漁竿

毛封君

公家安在薊門城出入漁陽結客行經學並驅韓太
傅辭華脫穎趙先生丈人不作雄邊老令子還高秉
憲名此日衣冠看甚偉也知黃綺負餘情

和吳太常南樓烟雨之作

南樓迢遞俯丹梯烟雨蕭條拂檻低越徼層陰千里
合吳門春樹萬家迷江流欲動帆檣外山色纔分睥
睨西一自不齋多暇日新詩誰與醉同題

送周給事還朝

二首

才子先朝侍從年東山一卧主恩偏彈冠便借風
雲起補袞新看日月懸疏動龍鱗成五色名聯騎省

映羣賢當時諫獵還誰在聞道長楊賦已傳

其二

纔疑仙吏在人間萬里乘風復漢關三殿不緣春色
滿五雲爭識歲星還朝陽更王清華氣金馬依然供
奉班未許陸沈如昔日須君持論答天顏

送勞少叅提學蜀中

分藩吳越氣雄哉人自南宮出上台一抱連城明月
滿還看三峽使星來錦江波動詞場色劍閣高臨憲
府開聖主賢臣今日事王褒門下本奇才

汪中丞臺火救者獨以劍出彈鋏而歌和以

相弔

中丞臺火照閩方客有千金劍一裝賴是龍蛇先自
起忽然風雨爲深藏逃形疑入延津水厭影猶含北
斗光報國片心還獨在逾看鱗甲動冰霜

爲南海鍾侍御題金臺遙祝卷二首

游子承恩出禁闈高堂華髮照春暉潘輿自不隨驄
馬萊綵何妨舞繡衣江鯉一從天上寄臺烏長繞日
南飛卽今婺女遙相望桂史星光近太微

其二

冰霜不厭北堂清冠指神羊海上城戀闕未須將母
疏倚門元自望君情家傳五字推承學朝擁三臺起
令名驄馬更便千里駿還鄉實切斷機聲

送張閩使黔中

虎臣推轂滿長安吳越當朝閩外難君自雅歌稱坐
鎮人疑漢將不登壇江潮常借軍聲壯海氣遙臨陣
影寒滇水一珠堪照夜誰憐薏苡竟同看

贈海憲蔡公開府

橫海今時領外臺書生謾說請纓來霜威瘴癘三山
盡殺氣波濤萬里開攬轡本朝元楚望談兵當代一
邊才 朝廷近有畱中疏柱史星光切上台

送陸從事赴遼陽

御苑東風吹客過共看芳草有離珂
西山晴雪鴻邊盡北海春雲馬上多
地險時窺元菟郡天驕夜遁白狼河
知君幕下參高畫諸將何時議止戈

滄溟先生集卷之十

滄溟先生集卷之十一

濟南李攀龍于鱗撰

七言律詩

送王侍御按貴陽

中原遙入楚天長道出盤江古夜郎
自許鐵冠衝瘴癘兼攜白筆掃風霜
百蠻擁節開雄鎮萬里登車擊大荒
莫說壯遊非妙選同時八彥避鵷行

郭吏部請急歸吳稱壽封君太宜人

水鏡清光滿薊門庭闈雙映一寒溫
角巾入洛名元重裘褐依梁道並尊
白首更借吳市隱青雲再奉漢

宮恩還朝益妙題才術湖海微言可具論

武太常貞母太常是遺腹子

令子清標領太常持衡東省舊爲郎才因藻鏡知秋水胎本明珠產夜光天上旌旗懸日月人間竹帛映冰霜雖然燕趙多奇士已讓高風在北堂

戲擬王安人稱壽郭相國相國嘗爲廬江別

駕

高山高唱入新題曲罷蛾眉玉盃齊秦史自偕嬴氏女廬江誰憶仲卿妻雙飛青鳥披雲下並蒂蟠桃帶雪攜何必千金稱上壽嫣然一笑醉如泥

秋前夜過崑山寄仲蔚時元美兄弟俱就徵車

有客中原回白頭懷人千里命扁舟吳門山色元非雨婁子江聲似是秋二友鴈行堪入洛惟君龍卧不依劉也知傾蓋須臾事一日檄書卽舊游

上朱大司空

二首

重華冀北再開天益佐山林涉大川四岳受成方貢日三邊仰給縣官年黃金不及隄形壯白馬長隨練影懸轉自流言能悟主老臣知遇兩朝偏

其二

河隄使者大司空兼領中丞節制同轉餉千年軍國
壯朝宗萬里 帝圖雄春流無恙桃花水秋色依然
瓠子宮太史但裁溝洫志丈人何減漢臣風

送徐子與之武昌 二首

使君安在武昌城江漢雙懸憲府清共許登高能作
賦不妨乘暇一論兵脩然白雪千人和颯爾雄風萬
里生更憶南樓明月好欲攜佳興與縱橫

其二

刺史樓臺望裏重是時門客羨登龍白雲三署還堪
起黃鶴千秋更可逢象合星辰雙執法心隨江漢一

朝宗二天尊寵諸侯上出處何論邴曼容

和子與過訪平原道中值雪二首時按察楚

中

九河風色報寒帷道入平原雨雪遲天欲並傳梁苑
賦君今試和郢中詞憑陵尺素光猶動縹緲扁舟興
可知況值如澠春酒熟好來投轄未須疑

其二

平原日映北風斜飛雪偏隨刺史車明月更投公子
邑金門何處侍臣家綈袍忽自生春色彩翰紛然擁
落花爲報袁安高卧起齊宮上客有田巴

皇太子冊立入賀

燕臺依舊鬱相望玉樹金莖是帝鄉鳳闕雙懸雲
五色龍樓交映日重光九天氣王旌旗動三殿風清
劍佩長伏謁不違顏咫尺十年兩省愧為郎

江上贈郭第歐大任

元年飛雪度維揚此日秋風復故鄉總為郭君紆綵
纜况逢歐冶說干將回看京口孤城轉坐擁江流萬
里長以爾相從諸子後新知得似丈人狂

吳使君自邵武之高州二首

先朝五子結交情一日青雲滿鳳城漢主憐才金作
署楚臣能賦玉為名已應龍自延津起那更珠還合
浦生直置壯游消不得纔兼遷客重縱橫

其二

中原五馬日駢駢嶺外翻傳俗吏稀逐客也須常作
好使君安見遠游非庶無疾病堪乘輿况有登臨可
當歸漂泊秋風同一葉幾時還向洛城飛

早春元美自大名見枉齊河

時元美代
余浙中

如此春醪醉莫辭中原攜手即佳期何人命駕能千
里與爾彈冠又一時嶽雪故應回正練江潮今復借
寒帷比來慷慨悲歌地河朔風流更有誰

與子與游保叔塔同賦 山有落星石二拳

古塔松臺對寂寥高齋斜日傍漁樵金牛忽見湖中影鐵騎初回海上潮更倚連城明月動並攜雙劍落星搖若非賦有凌雲氣筆底天花可自飄

和梁憲使過密咏天仙宮白松 是皇帝葬三女處

孤根一託蕊珠宮不與茗華粉黛同夜暗龍鱗銜自照天清鶴影望來空條封姑射千秋雪蓋擁蘭臺萬里風非爲子雲能作賦誰知玉樹本青蔥

其二

軒轅宮裏試新妝縹緲連枝入帝鄉玉骨不緣能化石冰肌那得便生香只愁明月銷爲水更恐清陰凝作霜巫峽瑤姬元素質却令雲雨污衣裳

其三

玉女窗前手自栽遙分海色向蓬萊唯應七聖襄城過曾見三花少室開地迥流光通粉署天寒老幹倚霜臺懸知的有千年露欲獻須君作賦才

答寄用晦王孫 二首

江上傳書錦字斜于時飛雪映瑤華誰攜雄劍非豐嶽但出名駒卽漢家春色自憐彭澤柳美人相怨武陵花三年未報平安使長日心懸萬里槎

豫章城上有高樓樓下長江二水流君更紅顏雄製
作誰同清夜美遨遊陽春若許千人和明月何須萬
里投不信祇今求自試詞場可但少應劉

答寄元美

飛書茗水報王孫杯底黃河似酒渾已讓五湖相代
長敢臨中嶽自言尊人無西子堪同載客有如姬不
負恩蕭索三餘回王氣風塵非復古夷門

寄懷蒲圻魏使君

三首

赤壁黃磯錦不如故人家傍武昌居蒲生太守裁鞭

後竹擁郎官賜管餘遣興幾篇司馬賦銜寃一紙樂
羊書楚材堪已推三晉那得常懸刺史車

其二

歸來高卧叔牙山恰爾分符出漢關一顧青雲生海
上千秋白雪在人間非時按劍投珠起無意償城抱
玉還所以離騷長苦怨楚臣容易老紅顏

其三

搖落誰憐作賦才高秋無處不悲哉大王自嘯雄風
起神女長攜暮雨來非有上林吞夢澤至今江漢遶
蘭臺武昌月滿南樓夜安得青樽共我開

東坡同許殿卿陸道函灌甫兄弟賦
散髮東坡月滿庭王孫春草鴈池青平臺吹合風先
起竹苑樽開酒旋醒自媿長卿工作賦誰憐子政老
傳經明朝莫報高陽會不定江湖是客星

勤中尉園亭

分竹穿苔暑自平披襟小閣坐來清使君河上浮槎
興公子夷門結轡情自有明珠堪照乘豈無佳色解
傾城時人若問游梁客司馬相如字長卿

羊青紫聞肖甫已代元美大名有寄

塞帷蜀道望吳天二子瓜期迴自憐五馬過逢曾此

地雙鳧飛去復何年誰言官合談兵起爾已名從作
賦傳父老未須窺露冕何人不識使君賢

贈劉將軍

憶醉卿家春草芳征輶信宿向漁陽行間舊識千夫
長轂下新推六郡良白馬從軍明月塞黃金結客少
年場何時更出追驕虜策爾持纓請建章

送羅大參之任山西 二首

鴈門句注九關通地接燕山 帝業雄使者汎舟從
絳水將軍轉餉入雲中分藩忽壯 朝廷色開府深
懸保障功晉國莫強兵馬地股肱何但數河東

吏部風流入奏年諸郎誰不讓朝天五雲忽映襜帷
動雙轄重臨水鏡懸色借緜袍堪病起詩更藻筆已
名傳故人剩有河山在二子相逢海岱前

五言排律

送固始申明府還縣

百里絃歌邑春風獨在茲旋歸瞻日遠畱借見天私
復送仙臯去言趨竹馬期渡河蠶月早行縣麥秋遲
楚國先賢傳梁園上客詞知君才不忝遙以慰相思
送李太守之東昌

諸侯辭北極千騎向東方十
稱天府風煙接帝鄉
地形來海岱漕輓自徐揚春滿絃歌邑花明太守章
射書延上客照乘得高唐寇息解刀劍人和下鳳凰
軒帷塞雨雪郡閣卧星霜治行兼經術諸曹借寵光

送宋宇少府之蒲城

別離有楊柳折贈擬琅玕古道千人失時才一尉難
清秋開少府紫氣指長安梅福稱仙仕蒲城得吏歡
河聲公檄靜嶽色訟庭寒鴻鴈雲中出芙蓉月下看
三秦至豪傑兩漢數衣冠馮翊今遺邑何輕佐幕官

答謝生盤山詩

愛爾躋攀處奇踪滿報章山盤元氣出寺抱翠微藏
拂石搖天影披花帶雨香千峯回白首萬壑步清霜
鼓角關榆墮旌旗塞草長陰風來大漠秋日下漁陽
海色秦城外邊聲漢苑旁欲因臨望代遂得紀金湯

送楊給事河南召募

醜虜休南牧朝廷議北征幄中新授律天下大徵兵
使者持符出君推抗疏名黃金秋突兀白羽日縱橫
嶽雪三花秀河冰萬馬行將軍邀劇孟公子得侯嬴
屠販多豪傑風塵鬱戰爭有呼皆左袒無役不先鳴
寧久燕山戍終期瀚海清過梁投賦筆更爲請長纓

送林章之郎中讞獄南海

舊識于公傳新知陸賈才漢章雙鳳下越郡五羊開
旌節看山駐樓船截海來長安天北望使者日南回
訟府蒲堪掛刑書竹可裁明珠滿合浦應照不然灰

送祠部莫郎中貴州提學

薊門一相送楊柳未堪攀亦是文章地寧虛供奉班
西南天欲盡羌笮日多艱鼓棹過三楚傳經到百蠻
春雲蒸赤水秋雨瘴青山早就中和頌諸生憶漢關

題歐職方鵝山泉高齋

聞君讀書處乃在薊山阿水色開窗檻泉聲散薜蘿

濯纓秋雨至把釣夕陽多白璧澆田出寒流沒羽過
風塵無燕息賓客有羊何一自從王事空爲勞者歌

集元美宅送汝思吳峻伯袁履善三比部

別賦吾能作還銷客子魂上林又黃鳥何處此青樽
帝念徵兵日人銜祝網恩星榆散使者春草待王孫
于役分江微相思共薊門風塵異南北莫向鴈書論

賦得邊馬有歸心

飛將驅天廐乘秋踏大荒三軍呼驃騎一戰蹶名王
急難才堪老橫行勢可當嘶聲悲漢月顧影淨胡霜
總轡陰山上鳴鑣瀚海旁何如春草色躑躅向長楊

得殿卿書兼寄張簡秀才

久客疎歸計吾徒足醉眠風塵猶逆旅服食豈神仙
老母須微祿郎官亦冗員時名非我意詩句衆人傳
雞肋堪誰棄蛾眉幸自全羈情驚歲晚法署向秋懸
竊笑吹竽濫深慙抱甕賢青雲浮世外白眼貴游前
流俗終違性佯狂始入元所甘才太拙敢望病相憐
寄字存加飯興言問着鞭支離如昨日飛動異當年
直覲亡胡虜殷憂切御筵逐臣收佩玦大將與兵權
報主謀安出和戎議已偏乘輿空汗血錦繡被腥羶
帷幄今何事京師未晏然乾坤多壘後仕宦畏途邊

海岱生瑤草朋從拾紫烟伊余方物役回首薊門天
七夕集元美宅送茂秦

祖席陳瓜果征衣理薜蘿雲邊看露掌花裏出星河
仙吏揮金椀佳人罷錦梭新知天上少秀句鄴中多
疎拙時名棄歡娛虜騎過秋風吹鬢髮落日渡滹沱
七首荆卿贈刀頭桂客歌明年見牛女能不憶羊何

碧雲寺

飛塔標龍藏長橋挂虎溪五王開壯麗二梵樹菩提
淨土黃金布香臺碧漢齊經過初地變徙倚上方迷
杖底籠清磬崖間散御題屢疑窮紺宇復道出丹梯

天樂蓬萊近祇林日月低水流僧舍下雲起佛堂西
深愧雕蟲技難同怖鴿棲慈燈懸廣劫處處得摩尼

香山寺

往時占紫氣馬上看香鑪不是尋幽到其如發興孤
廻標臨北極秀色攬西湖樹杪諸天出堦前衆壑趨
花臺騫地起風鐸蔽簷呼月抱蟾蜍石星搖舍利珠
玉毫侵瀑水金相湧浮屠妙偈傳從竺高僧至自胡
法輪皆帝力下界復神都行幸當年事人王握大符

經華嚴廢寺爲虜火所燒

醜虜殊猖獗諸僧坐播遷無方超寂滅有地入烽烟

境壤秋原上門空暮雨邊
虛聞金作粟真見火生蓮
星影疑纓綴雲光學蓋懸
焚身香象泣照鉢燭龍然
莫辨沉灰劫猶傳喫酒天
至今餘淨土不復一燈傳
人曰同元美子與公實集子相宅得寒字

年華開此宴春色又長安
得日人相勞披雲客共歡
貼屏皆綵勝佐酒尚辛盤
北鴈先花發西山過雪看
文章投璧盡心事斷金寒
不但蕭朱輩論交自古難

初春 四首

物色看如昨愁時獨不醒
春陰含雨白日氣宿霾青
國士紆三表王師壓二庭
獻俘當祖社制勝本朝廷

使者行飛輓將軍議勒銘
誰憐劉子駿心事有傳經

其二

橫海樓船下平胡羽檄飛
五雲高王氣三殿敞春暉
卜相敷文命徵兵出武威
風塵終混合日月此瞻依
薄宦無工拙浮名有是非
陸沈吾豈敢疎懶世人違

其三

使者歸朝疏將軍捕虜才
乾坤百越震烽燧九邊來
國步艱難過天顏駘蕩開
紫宮春窈窕華省日徘徊
白石飯牛客黃金圖駿臺
終看成遇合未可怨無媒

其四

海漢集 卷十一
三
薊北看春色羈情坐鬱然官猶膠柱在名豈濫竽傳
汨沒終何事文章自有權薄遊多難後知己衆人前
疎拙容高枕風雲讓着鞭客嘲安用解執戟至今憐
五日同子相遊天寧寺

四海攜名士彌天得上方綵絲還令節白馬自開皇
揮拂靈花裏攤經祇樹傍燈輪侵日出塔影入雲藏
淨土殊幽事清齋復妙香幻知看級冕靜欲厭詞章
薜荔來風雨杉松接渺茫人間空競渡未解問慈航

立春日示子與

舊游離別盡病客尚文園此地看春色唯君大雅存

揮毫當北斗握手向中原夙昔爲郎意平生知己恩
紫氣臨燕塞青山擁薊門豫愁分袂日花裏倒芳樽

燕京篇

燕京豪俠地杯酒爲君陳雙闕西山下諸陵北海濱
薊門行雨雪黍谷變陽春騶行初臨碣荆軻故入秦
黃金來駿馬白璧售佳人定鼎還先帝千年正紫宸

哭陶侍御

伏柱稱仙吏彈冠卽諍臣逢時隨八彥攬轡屬東巡
抗疏惟安漢危言屢借秦寵光回造化正色上星辰

夢已摧高翼災非批逆鱗孤臺遙向夜五柳黯傷春
白鶴還來客青驄豈避人朝廷存折檻道路指埋輪
擊隼才何健神羊氣不馴分陰空自惜浮世轉難陳
風裁登車罷霜華掛劔新羣鳥哀就老列柏采爲薪
鬱鬱匡君意飄飄出使身廬山彭澤外落日九江濱

哭公實 六首

逝矣梁公實清時隱漢關扁舟浮大海健筆誌名山
豈悟風流盡猶言洗沐還文章憎白髮服食誤紅顏
禪草來天上元經出世間縱爲華表鶴羽翮已難攀

其二

客有燕山至傳君喪海隅含香情不厭辟穀事還迂
詞翰家長技經綸國大儒天心曾爾輩雪涕自吾徒
精氣乘朱鳥浮生過白駒所悲無舊物此道失前驅

其三

實沈其爾崇單闕乃爲災偃蹇非關病文章未盡才
他人紛項領之子渺塵埃白日中原墮高秋大海迴
自逢雙鶴至誰叱五羊來欲掛延陵劔風雷不可開

其四

一虛郎署問竟負帝鄉期此日名堪定千秋事可知
賦寧爲異物人已不同時垂白君應妬還丹我自疑

囊裝高卧盡椎結舊遊悲坐識藏舟理行令荷鍾隨

其五

從此微言絕何當大夢醒人間矜意氣地下鬪精靈
虛室還生白遺編竟殺青浮名流景過夫子望秋零
同舍悲離索投詩哭杳冥山陽風雨夜鄰笛未堪聽

其六

嶺南秋慘淡海上日蕭森不王衣冠氣云亡雅頌音
操斤臣質少題柱主恩深此物何陵替斯人乃陸
沈衆方疲道路爾欲久山林所以生芻贈終難託素
心

郡齋同元美賦得高字

風塵如昨日千里得同袍秋色隨佳句浮名避濁醪
故人滄海遠使者白雲高小郡常懸榻君家自佩刀
飛揚鞭弭約慘淡簿書勞別後看多士元龍未似豪

宿華頂玉井樓

二首

玉井通溟海朱樓冠削成波傳潮汐到檻接斗牛平
虎魄侵燈出蓮花傍枕生拂盆雲髮暗映掌月珠明
犯座人間象浮槎世上情不愁更漏絕石鼓自能鳴

其二

不寐芙蓉冷幽棲薜荔驚靈胡秋蟲鬪毛女夜妖精

暗穴龍蛇走深林虎豹耕星連碁石布雨共洗盆傾
霜絕千尋鎖風邀五舌笙豈因臨帝座呼吸變陰晴

冬日王給事出示許中丞苦熱詩卷

最秀中丞句尤奇苦熱篇開函迴白雪展卷失寒天
硯石猶堪礫壺冰豈自堅蠹魚冬不蟄螢火夜應然
才是洪鑪縱名將汗簡傳歌來探綵扇寫罷撒青氈
藻筆還生色雲箋更雜烟五言如挾纊一字解纏綿
病時南風後魂銷大雅前霜臺三十載就日片心懸

和殿卿咏梅篇

忽報探梅句深知水部賢空梁流漢月寒色動江天

影落青樽裏花生綵筆前新妝縈素練白雪洒繁絃
南國書堪寄春風病獨憐更慚清思減不及兔園篇
爲魏使君送黃生歸楚

太守高齋客時名豈易同六朝相上下五馬共西東
非土悲王粲通家賴孔融登臨存勝蹟坐嘯挹清風
四塞黃河險三峯口觀雄楚才元自老郢曲本難工
裂素題班篋裁繡謁漢宮歸堪吞夢澤卧合起隆中
雨雪綈袍暗江湖劍氣空武昌魚正美彈鋏意何窮
送魏樸如孝廉省試時使君上計與偕

朝宗方岳入問寢孝廉行經術俱高第傳家接大名

滄海集 卷十一
雲霄雄北上事業壯南征奕世和戎策江湖戀闕情
一毛隨鳳集合浦讓珠明物色燕常滿人才楚至精
千金圖五馬片玉抵連城績奏龔繩直辭含樂鏡清
賜車郎署羨奪錦士林榮計吏分憂下文場得雋鳴
召翁今乃父丙相昔同聲會使臨軒日風流動漢京

再上少宰誦德述懷

弱冠登高第詞林擁重名兩朝廷侍從空冀走諸生
身自宮僚備親看國史行稍遷猶八座加授卽孤卿
不盡兼曹美長餘列署清文章關王氣儒術定家聲
羽翼衝天就波瀾赴海成見知同筆研記憶控銓衡

雞肋才華薄羊裘物色輕人應疑畫餅君但入調羹
北斗如相照南山亦至情少微雖冗宿同向掖垣明

天官殷少宰翟淑人輓歌

弱歲徵箕帚童年託舅姑餘光東壁駐慈色北堂敷
裘褐雲霄度蘋蘩日月徂國香堪是夢閨秀豈爲芻
零露晞金掌清冰涸玉壺珠沈知旁斗絃斷憶將雛
鳳逝泥書暗鸞銷水鏡孤繪帷含藻落彤管帶花枯
作楫君能事藏舟妾敢誣網蟲疑挂在羅雀外家無
雜佩傳淒響殘機激壯圖乳糜疑自愛琴瑟訝相扶
兩鵠云當復三魚兆已符客悲來白鶴帝寵會青烏

河漢深難越天門近可呼精靈成婺彩千古照皇都

重送張閩使

將才君自有儒術衆誰如廷對諸生策家傳孺子書
百蠻麾下出兩浙閩中居故事單醪在流言二卯虛
名應銅柱上身是玉關餘拊髀方今日君恩未可
疏

夏日張茂才見枉林園二首

殘書開積雨高枕對重林非爾乘幽興無人惠好音
分寧雞黍薄交自布衣深不改青松色堪知白雪心
諸生貧嗜酒多病老抽簪何必論邱壑金門總陸沈

其二

當時河朔飲未必勝陶家古井層陰合虛亭落景斜
敲碁來凍雨散帙映明霞樹轉雙文鳥盤浮五色瓜
清談開暑氣白髮瑩冰華更有忘憂草能回隱士車

答潘仲子和贈張茂才見枉林園之作

似解滄洲趣因傳白雪聲時才方上下秋興獨縱橫
車馬分交態林園斷世情名寧花萼重句自薜蘿清
弱冠推高第雄飛失後生二毛知老筆三抱見連城
業已深移疾閒仍事耦耕有君堪倒屣一爲款柴荆
夏日龔生過白泉精舍索贈

本自巖扉客承家事耦耕中年歸卒業壯歲託論兵
身覺儒流貴心疑俠氣輕垂成看一第良久遜諸生
狗曲羣爲詬毛詩獨著名貧終諳世味老益見交情
伏臘書相勞寒溫酒數行白泉鍾乳色黃鳥竊脂聲
彩電投壺出疎星對局明卽知河朔會夙昔已縱橫

答報顧中翰

政本趨陪地身隨宰相行兩房深侍從三殿雅知名
染翰宮雲濕兼銜掌露清與聞鍾五字同病沈雙聲
何意乘槎客能憐伏枕生投詩廻俗態把酒說交情
敢謂龍門峻難霑鳳沼榮華陽今夜月醉眼爲君明

初抵浙中感遇一首呈馬丈

冀北登車日淮陽卧閣年檐帷非不撤舞袖竟難旋
一顧堪千里羣疑託二天門生高自出屬吏拙相憐
紫氣臨關動文星傍斗懸樵漁歸計穩犬馬受知偏
物色中原起封章上國傳江湖餘壯觀風俗美多賢
下榻時名盡分庭客禮全隋珠如片月長在報恩前

贈陸膳部

清覽三臺上名家四姓前累朝霖雨望羣從聚星賢
北斗尚書府南宮親草年秩宗周典禮膳部漢常員
官屬青雲氏才高白雪篇微言黃絹在美節素絲傳

筆綵生春署蘭薰握近天明光寧再入空此羨神仙

貞石篇爲吳比部賦

砥柱高王室磐宗壯帝京支機河漢迥浮磬泗濱清
孺子兵書號郎官水鏡名一鞭皆至海三獻卽連城
絕學驅羊起羣疑伏虎生梧臺深自饗司寇雅稱平
磊落披雲氣馮陵轉壑聲雄藩隆岳佐華省映星精
文陛含香入巖廊草奏行綵毫常五色何限補天情

與子與游靈隱寺吳馬諸公同賦

片雨挂龍吟清風嘯虎林海浮西域至江插洞天深
卜嶺將遙集名山豈陸沉地靈聞水樂岫隱見雲心

金粟寒應結香爐迴自陰藤蘿塞窈窕臺殿倚蕭森
石笋高搖筆蓮花淨盃簪何須懷謝客俱解越中吟

滄溟先生集卷之十一

